


宋詩紀事



和書門			
三	一	三	九
二	一	六	六
冊	架	函	號

內閣文庫	
三	三
六	九
二	六
冊	五

內閣文庫	
番號	漢 3965
冊數	32 (23)
函號	363 123

六十四至六十六

廿三



宋詩紀事卷六十四

錢唐厲鶚輯

平陽喬光復
錢唐施安 勘定

丁黼

黼字文伯號涎溪池州人寶慶初官成都制置使

嘉熙三年北兵至力戰死之賜額立廟謚恭愍



送錢尉入國

正是朔風吹雪初行滕結束問征途不能刺刺對婢子已

是昂昂真丈夫常惠舊曾隨屬國烏孫今亦病匈奴不知

漢節歸何日準擬殷勤說汴都 益部談資

陳起



起字宗之錢塘人開書肆于睦親坊亦號陳道人
寶慶初以詩禍爲史彌遠所黥有芸居乙橐

癡奎律髓寶慶初史彌遠廢立之際錢唐書肆陳起宗之能詩凡江湖詩人俱與之善刊江湖集以售劉潛夫南岳橐亦與焉宗之賦詩有云秋雨梧桐皇子府春風楊柳相公橋本改劉屏山句也或嫁秋雨春風句爲敖器之所作言者併潛夫梅詩論列劈江湖集板二人皆坐罪而宗之坐流配于是詔禁士大夫作詩紹定癸巳彌遠死詩禁解

秋懷

又見街頭賣紫萸老懷擾擾類催租客來喜得吳江紙欲
寫新吟一字無

過三橋懷山堂

賣花聲裏憑闌處沽酒樓前對雨時景物如初情自老夕
陽波上燕差池

挽許梅屋

桐陰吟社憶當年別後攀梅結數椽湖海有聲排逸韻弓
旌不至歎遺賢兒收殘橐能傳業自誌平生不媿天航便
雙魚無復得夾山西望淚潺湲以上芸居乙橐

夜過西湖

鵲巢猶挂三更月漁板驚回一片鷗吟得詩成無筆寫蘸
他春水畫船頭梅礪詩話

鄭斯立

斯立字立之

贈陳宗之

昔人耽隱約屠酤身亦安矧伊叢古書枕藉于其閒讀書

博詩趣鬻書奉親歡君能有此樂冷淡世所難我本抱孤
尚爲貧試彈冠欲和南薰琴秋風歛戒寒恬無分外想賸
有日晷閑閱書于市廛得君羈思寬誦其所爲詩刻苦雕
肺肝陶韋淡不俗郊島深以艱君勇欲兼之日夜吟辛酸
京華聲利窟車馬如浪翻淡妝誰爲容古曲誰爲彈桐陰
覆月色靜夜獨往還人皆掉臂過我自刮眼看百年適志
耳豈必身是官不見林和靖清名載孤山

前賢小集拾遺

翁定

定字應叟建安人有瓜圃集

劉後村跋應叟尤工律詩送人去國之章有山人處士疎直之氣傷時聞
警之作有忠臣孝子微婉之義感知懷友之什有俠客節士死生不相背
負之意

送胡季昭竄象郡

應詔書聞便遠行廬陵不獨詫邦衡寸心祇恐孤天地百
口何期累弟兄世態浮雲多變換公朝初日盍清明危言
在國爲元氣君子從來豈願名

鶴林玉露季昭廬陵人寶慶初元爲大理評事應詔上書言濟郎事竄象
郡翁定諸人送行云云兄子建弟國賓皆懷奇負氣友愛最隆得罪之日
囊無一錢子建挈家歸賣文以活國賓奮然徒步從其兄于貶所季昭歿
詔許歸葬贈朝奉郎官其一子洪舜俞草贈官制詞云朕訪落伊始首下
詔求黨直蓋與諫鼓勸木同意以直言求人而以直言罪之豈朕心哉爾
風裁峭潔志槩激壯繇尉廷平上書公車言人之所難言方嘉賈日之忠
已墮偃月之計開塗胥口訪事瀧頭曾無幾微見于顏面何氣節之烈也
仁祖能全介于遠謫之餘孝祖能拔銓于投荒之後撫今懷往魂不可招
潦霧墮焉悲悔何及陟階員外仍官厥子用旌折檻之直且識投杼之過
爾雖死可不朽矣

胡炎

炎寶慶初太學生

送胡季昭竄象郡

一封朝奏大明宮，噓起廬陵古直風。
言路從來天樣闊，蠻荒誰使徑旁通。
朝中競送長沙傳，嶺表爭迎小澹翁。
學館諸生空飽飯，臨分憂國意何窮。

鶴林玉露

李昂英

昂英字俊明，番禺人。寶慶丙戌廷對第三，淳祐初官吏部郎，累擢龍圖閣待制、吏部侍郎，歸隱文溪。卒諡忠簡，有《文溪集》。

久住白雲呈鎮長老

桑下戒三宿，我此尚畱戀。曹溪悟一夕，我復無知見。
鎮公房遜客，所須如執券。園丁曉供茹，行者時灌硯。
飯奴更芻

馬紙帳費香篆，主人真好事。答應了無倦，欲歸興未闌。
坐享伊蒲饌。

酌別張子元

并序

子元已注今年班籍去，臘余以言職免歸。子元不待引見，毅然相隨南還。茲再入京，送之至鑿空閣下，用東坡韻爲別。

南士如君幾妙處，方寸境撐腸五千卷。
落筆擅三影，喜談狂朱雲，恥作諛谷永。
憂時點髭雪，未肯疎鑷鏡。摩挲匣中龍，起視斗牛耿。
每同畫灰語，寒夜僮僕屏。吾儕期歲晏，世俗任炎冷。
江亭揮別酒，謔笑鬪機警。景文兄弟情，畝異禾同穎。
日邊多便驛，頻書來越嶺。

景泰寺

樹合疑山盡攀緣有路通遠鴉追夕照低雁壓西風瀑勢
雷虛壑松聲浪半空凭闌僧指似漲霧是城中

送舶使周甲

堂堂山立舊朝簪久屈清流督獻琛風送連艘出獅國浪
吹殘句到雞林平生不隔同年面中歲難禁惜別心歸見
耆英定相問祇言閉戶萬山深

以上文溪集

送湛師回華首寺

翩然拂袖忽然回帶得羅浮面目來乞食又還雙足繭坐
禪豈是寸心灰故依華首從三靖旋摘茶芽供一杯蘭若
苦空君不厭可能爲我掃蒼苔

羅浮山志

洪夢炎

夢炎字季思號然齋淳安人寶慶二年進士歷官

武學博士出知衢州有集

高齋桂窟

植桂不在多種德如種樹前人能種後人傳自有清陰滿
庭戶高枝澹雲低覆闌晴光翠色生晝寒人家多愛種桃
李幾日春風紅滿地何如此花開獨遲蟾宮窟裏秋香細
課兒讀書書滿牀更將幽興引壺觴半酣獨臥高齋下啼
鳥數聲清晝長

淳安縣志

徐經孫

經孫字仲立初名子柔豐城人寶慶二年進士累

遷刑部侍郎太子詹事拜翰林學士知制誥忤賈似道罷歸閑居十年卒謚文惠有矩山存稟

病中有感

習嬾多成病旬餘久覆杯帳中聞燕語瓶裏看花開醫已肱三折愁來腸九迴何時得疎散展齒印蒼苔

送太庾黎丞

客懷秋易惡送客更當秋薄宦相從久孤征肯暫畱酒輕離思重目短大江流黃菊聊持贈寒香晚不羞

福州卽景

一別居諸歲月增遙聞此景畫難能湖田種稻重收穀石路逢人半是僧城裏三山千簇寺夜閒雙塔百枝燈當年

六月東山裏地湧寒泉漱齒冰 以上矩山存稟

吳子良

子良字明輔臨海人寶慶二年進士官至湖南運使大府少卿有荆溪集

葵花 俗名一丈紅

花生初咫尺意思已尋丈一日復一日看看衆花上 全芳備祖

馬光祖

光祖字華父金華人寶慶二年進士仕至寶章閣直學士沿江制置使江東安撫使知建康府拜知樞密院事以金紫光祿大夫致仕卒謚莊敏

汝南灣

當時只號汝南灣後有三人住此閒自謂逸民須隱約並
稱賢士想高閑祗緣水味都殊異且欲鄰居數往還好事
有時相就飲不妨鐺腳對青山

焦氏筆乘汝南灣當秦淮曲折處齊陸慧曉清介自立家于灣前張融牽
船住岸卜鄰以居劉瓛及弟璉二人并居其閒水有異味時共酌飲之馬
制使光祖有詩

翁甫

甫字景山崇安人寶慶二年進士累官江西轉運
使改知泉州有浩堂類橐

九日

秋風兩度身爲客已見重陽未到家村酒不堪供節事祇
將青眼看黃花

全芳備祖

程元鳳

元鳳字申甫歙人紹定二年進士累遷參知政事
拜右丞相兼樞密院使罷充醴泉觀使度宗卽位
拜少傅右丞相進封吉國公致仕卒諡文清

明堂大禮慶成詩

聖心翼翼對蒼穹葳事明禋協肅雍玉輅曉升香霧滃紫
壇夜款瑞烟濃風聲應律諧簫管月色澄空映璧琮丹鳳
樓前恩施溥歡呼三祝效堯封
森嚴羽衛擁和鑾咫尺龍顏侍至尊禋祀儀文勤聖問敬
天實意進芻言百神受職來鴻社多士承休肅駿奔右饗
不常威可畏載歌周頌報皇恩

寶祐五年史院修高孝光寧四朝國史成上進九月
明堂升首高宗禮成進詩三章稱賀

聖主嚴恭德意真兩儀合饗鑒精純九筵五室儀章舊一
祖三宗侑典新風日益溫鑾輅駕月星明概玉卮陳元良
式獻邦家慶共祝吾皇壽萬春

格天盛德素躬全胙饗交通心卽天供幣用將祈永命奉
案端爲告豐年寬條日布民安業捷幟星馳將護邊虎拜
紫宸稱賀處祥光縈繞御爐烟

愚臣何幸際明時才本疎庸玷宰司未報聖恩懷夕惕更
叨使領侍親祠駿奔重屋儀文肅雜揭端門惠術施歸美
慚微天保頌畏威願繼我將詩

以上明良慶會錄

李曾伯

曾伯字長孺潭懷人居嘉興理宗朝歷官四川宣
撫使賜同進士出身爲湖南安撫使進觀文殿學
士又知慶元府兼沿海制置使有可齋類稿

題二水光華軒

歷歷湖南道駸駸嶺右州感時僧解夏觸事客驚秋雨洗
流金虐風生落木愁一萍如寄耳往夢付悠悠

寧廟挽詞

德化勤三紀仁聲溢九州澣衣昭禹儉具食軫文憂潤色
恢鴻業艱難啟燕謀中興宗漢廟端自敬天休
自聽山東詔甘泉息夜煙璽膺新玉帛圖貢舊山川望切

堯民日憂形杞國天中原尤感泣不獨老臣然

利州登棧道

足跡初來劔北州試登危棧瞰江流萬山西接地窮處一
水東歸天盡頭欲訪殺函無健馬相忘楚漢付輕鷗丈夫
要了中原事未分持竿老釣舟

偶得希真巖壑舊隱正在小圃因賦

數峯佳致藹前修心匠玲瓏小更幽公去我來幾傳舍人
非物是一虛舟蠹天柳色新條改垂地藤陰舊迹畱坐對
黃花誰領會猶疑胡蝶是莊周

以上可齋類稿

厲文翁

文翁字聖錫號小山居士東陽人唐詩人御史元

之後父少保模理宗朝以郊恩入仕累官權戶部
尚書端明殿學士兩浙制置使兼知臨安府封東
陽郡開國侯

庭竹

渭川未暇栽千畝庭檻聊須種數根最愛深秋羣木脫獨
欺風雨戰黃昏

全芳備祖

句

暮雲春雪江南北回首人生歎路歧

梅

且喜臥龍常自在

新詩特地報平安

松 全芳備祖

岳珂

珂字肅之號亦齋又號倦翁忠武王孫敷文閣待

制霖子管內勸農使知嘉興歷官戶部侍郎淮東
總領有玉楮集

無題

秋水芙蓉試早妝半軒微雨灑鴛鴦細腰正欠酬金餅奮
翼何堪卸玉梁髮鬢釵橫人在牖繩低斗轉月侵牀無情
花影雲來去都作一天風露涼

試廬陵賀發竹絲筆

此君素以直節名延風揖月標韻清何人心匠出天巧縷
析毫分勻且輕居然束縛復其始卽墨紆朱封管城世門
官爵豈必計且幸一家同汗青

九月十三日始就郊墅拜寶謨閣直學士提舉江州

太平興國宮之命

槐影西清舞翠鸞竹宮高接五雲環職陪溫洛圖書地名
在元封卜祝閒晝訪未承龍閣問晨香猶廁羽衣班祠官
到處無公事且聽松聲老此山以上玉楮集

鶴林寺

秋枕竹鳴屋晝基松掩關雨晴猶溼徑雲薄不藏山未洗
中原恨誰消永日閑西風動征隰空媿鬢毛斑鶴林寺志

董太初

保應廟

在新昌縣十四都隋諸王避難歿葬其地水旱疾疫祈禱輒應寶
慶二年從鄉民之請建廟賜額

席食空山八百年衣冠猶是李唐前汴河十里垂楊柳何
似松陰數畝田紹興府志

顏頤仲

頤仲字景正龍溪人煥章閣學士師魯孫以祖蔭
補官累擢吏部尚書寶章閣學士提舉玉隆宮卒

柳

柳漸成陰萬縷斜舞腰柔弱弄韶華一庭春色無人管簷
雨聲中飛盡花 廣羣芳譜

祝穆

穆字和父曾祖確歛之名士于朱文公為外祖父
康國始從文公居崇安穆少與弟舉同事文公于
雲谷得其緒論嘗著事文類聚方輿勝覽行世

山礬花

玲瓏葉底雪花寒清晝香熏草木閑移植小軒供宴坐恍
疑身在普陀山 全芳備祖

楊棟

棟字元極青城人紹定二年進士度宗朝官同知
樞密院事參知政事出知慶元府卒有平舟集

淨土寺追和東坡韻

在臨安吳越王建

令君督來期書郵日旁午世事不足論清游乃先務朝朝
叩禪關復此得淨宇淺斟琥珀濃細嚼銀絲縷味雋問牛
酥軒高來燕乳曲折溪屢橫尖圓峯可數萬頃喧桑田一
簇靜松塢由來鏡中人不殊草頭露越主朝沐宮蜀客盡
吳語剝蝕淨土碑荒殘峽山路桑梓如之何誰能忘一顧

日詢錦橋新三歎清流俯

咸淳臨安志

蔡抗

抗字仲節號九軒處士元定孫沈之子也紹定二年進士累官擢吏部尚書端明殿學士同知樞密院事拜參知政事以忤時相落職奉祠卒謚文簡
改文肅

大隱屏

脫畧塵世慮仙巖共夷猶乘源得風便快楫行扁舟神仙現奇怪古木橫巖陬振衣萬仞高天風動衣摠巍巍隱屏峯擎天峙中流良朋論心事感慨悲新秋浩歎復浩歌一飲還一酬南陽豈終臥東山諒同憂斟酌素有定今焉試

爲籌西方起暝色歸袂不可畱去去惜離別後會良悠悠

武夷山志

陳松龍

松龍字應初號三嶼閩縣人紹定二年進士仕爲京口倅大理司直

茶蘼

布葉叢條翠作圍自生芒刺護裳衣莫嫌野興難拘束祇伴春風亦見幾

全芳備祖

曾原一

原一字子實號蒼山贛州寧都人領鄉薦紹定中與戴石屏結江湖吟社

賦楊妃鞵

七歲作

萬騎西行駐馬嵬
凌波曾此墮塵埃
誰知一掬香羅小
踏轉開元宇宙來

梅磻詩話

鄭會

會字有極號亦山

江亭夜坐呈曾蒼山

江梅欺雪樹槎牙
梅片飄零雪片斜
夜半和風到窗紙
不知是雪是梅花

詩林萬選

游金精山

春風棧閣曉雲寒
中有潺潺玉一灣
白石碁盤青石磴
蘚花猶帶漢時斑

金精風月

題邸閒壁

醱醱香夢怯春寒
翠掩重門燕子閑
敲斷玉釵紅燭冷
計程應說到常山

宋藝圃集

陳夢庚

夢庚字景長閩人
紹定中廣西路漕幕

大隱屏

大隱屏前風月閑
何人手種萬琅玕
深深五曲東流水
合作千年洙泗看

武夷詩集

徐元杰

元杰字仁伯信州上饒人
紹定五年進士第一
歷著作佐郎兼兵部郎官
進太常少卿兼給事中國

子祭酒卒諡忠愍

湖上

花開紅樹亂鶯啼草長平湖白鷺飛風物晴和人意好夕陽簫鼓幾船歸

西溪叢話

孫子秀

子秀字元實餘姚人紹定五年進士開慶初歷提點兩浙刑獄除太常少卿兼知臨安府

游丹山

四明洞天居第九巨靈擘石開窗牖捫蘿陟巘不憚勞同行況遇忘年友老苔護石蒼虎閑飛瀑懸崖玉龍吼豁然人與境俱勝未必醉翁真在酒徘徊步月醉忘歸世事浮

雲竟何有

姚江逸詩

朱繼芳

繼芳字季實建安人紹定五年進士有靜佳乙稟

登眺

破帽任風吹天知鬢已絲大江流禹蹟老樹見秦時北際山如礪南溟水似池夜涼無夢到久已歎吾衰

江湖偉觀

葛嶺詩星院上有閣曰江湖偉觀安撫趙鼎建

吳山表裏水為池百有餘年壯帝畿天目舊將雙鳳下海門新拱六龍飛胥濤白雪生秋思太乙紅雲駐夕暉江上沙鷗湖上舫柳絲風裏雨依依

次韻野水花朝之集

睡起名園百舌嬌一年春事說今朝鞦韆庭院紅三徑解
艫池塘綠半腰苔色染青吟屐蠟花風吹暖弊裘貂主人
自欠西湖債管領風光是客邀

吳歌

雁影江潭底秋聲浦溆閒吳兒歌一曲月子幾回彎

揚州

金陵王氣水東流流到淮南古岸頭夜半一聲天上曲錦
帆天子下揚州

用前韻謝野水郎君招飲

爲有池臺無限嬌遊人歌舞尚朝朝清漪浴日開金面晴
唢調風袞綠腰騷客五花唐殿馬主家七葉漢庭貂丁寧

紅紫休開徧約住春風待見邀

題李秋堂盟鷗集

相逢已恨十年遲買酒吳山一夜時明日送春仍送客柳
花風颺鬢邊絲

辛亥二月望祭齋宮因遊甘園

朝霏作雨連天溼花氣熏人到骨香四望水亭無正面有
花多處背湖光

老眼看花興未厭不知頭上雨廉纖流鶯浪語東風恨誰
拗花枝插帽檐

滄浪風月

我登滄浪亭復歌滄浪曲歌竟復長歌杳杳山水綠天風

吹散髮山月照濯足爲謝獨醒人漁家酒初熟以上靜佳乙稟

靈芝寺

黃金市地小橋通四面清平納遠空雲氣長扶天子座日
光浮動梵王宮殘碑幾字莓苔雨疎磬一聲楊柳風沙鳥
不知行樂事背人飛過夕陽東

武林舊事寺在湧金門外錢王故苑芝生其間拾以爲寺高宗孝宗凡四臨幸朱靜佳有詩

六言

柳下白頭釣叟不知生長何年前度君王遊幸賣魚收得
金錢

武林舊事淳熙閒壽皇以天下養每奉德壽三殿游幸湖山凡游觀買賣皆無所禁小舟時有宣喚賜予如宋五嫂魚羹嘗經御賞人所共趨遂成富媼朱靜佳六言詩云云往往修舊京金明池故事以安太上之心豈特事遊觀之美哉

薛師傅

師傅勤人紹定五年進士有雪蓑集

六橋閑步

出郭青岑近臨流白鳥飛笙歌春雨歇草樹夕陽微山色
邀藜杖湖風颭葛衣虛舟林處士不見鶴來歸甬上耆舊集

俞桂

桂字希邨仁和人紹定五年進士有漁溪詩橐

過湖

舟移別岸水紋開日暝風香正落梅山色濛濛橫畫軸白
鷗飛處帶詩來

虎丘

宋詩紀事卷六十四
突兀浮圖插翠微吳王事迹總成非寺僧未晚山門閉不放閑雲一片飛

松江送人

西風蕭瑟入船窗送客離愁酒滿缸好記此時分袂處暮烟微雨過松江

以上漁溪詩藁

方岳

岳字巨山號秋崖祁門人紹定五年進士兩爲文學掌故官中祕書出守袁州有秋崖先生小藁

泊歙浦

此路難爲別丹楓似去年人行秋色裏雁落客愁邊霜月敲寒渚江聲驚夜船孤城吹角處獨立渺風烟

約黃成之觀瓊花予不及從以詩代簡

杜宇聲中鬢欲華春風將綠又天涯欠隨江夏無雙士共看揚州第一花想像烟雲人跨鶴淋漓詩句字棲鴉蹇驢不管唐衫溼醉兀歸鞍暮雨斜

立春都堂受誓祭九宮壇

輦路春融雪未乾雞人初唱五更寒瓊幡第一番花信吹上東皇太一壇

湖上

沙暖鴛鴦傍柳眠春來亦嬾避湖船佳人窈窕惜顏色自照晴波整翠鈿
今歲春風特地寒百花無賴已催殘馬塍曉雨如塵細處

處筠簾賣牡丹
綠波如畫雨初晴
一岸烟蕪極望平
日暮落花風欲定
小樓弦管壓新聲
游人抵死惜春韶
風暖花香酒未消
須向先賢堂上去
畫船無數泊長橋

清明日舟次吳門

篷窗恰受夕陽明
楊柳梨花半月程
老去不知寒食近
一篙烟水載春行

趙昭儀春浴

紅薇滴露護輕寒
微鬢香絲御玉鸞
祇道春風庭院祕
外閒已作畫圖看

以上秋崖小稿

陸 轍

轍字景思號雲西會稽人
佃五世孫紹定五年進
士官禮部員外崇政殿說書
謝臯羽編天地閒集
列于文謝諸公後

絕句

采藥人歸聞木氣
尋仙路遠夢桃花
買來山釀全如水
亦解昏昏到日斜
野槿扶疎當縛籬
山深不用掩山扉
客來踏破松梢月
鶴向主人頭上飛

全芳備祖

退宮人

破篋猶存舊賜香
輕將魂夢別昭陽
祇知鏡裏春難駐
誰

道人閒夜更長父母家貧容不得君王恩重死難忘東風
二月垂楊柳猶禁飛花入苑牆

天地閒集

湯人巾

巾字仲能安仁人官制幹

以廬山三疊泉寄張宗瑞

九疊峯頭一道泉分明來處與雲連幾人競賞飛流勝今
日方知至味全鴻漸但嘗唐代水涪翁不到紹熙年從茲
康谷宜居二試問真巖老詠仙

游宦紀聞廬山三疊泉于紹熙辛亥歲始爲世人所見從來未有以淪茗者紹定癸巳湯制幹仲能主白鹿教席始品題以爲不讓谷簾寄張宗瑞云云

張輯

輯字宗瑞履信之子馮深居目爲東仙有款乃集

朱湛盧序其詞云東澤得詩法于姜堯章世所傳款乃集皆以爲采石月下謫仙復作不知其又能詞也

次湯制幹寄三疊泉韻

寒碧朋尊勝酒泉松聲遠壑憶雷連詩于水品進三疊名
與谷簾真兩全畫壁烟霞醒昨夢茶經日月著新年山靈
似語湯夫子恨殺屏風李謫仙

游宦紀聞紹定癸巳湯制幹仲能主白鹿教席始品題三疊以爲不讓谷簾常以詩寄二泉張賡之云云九疊屏風之下舊有太白書堂

蕭 崩

崩字則山號大山臨江人紹定進士以太府丞奉

祠

贈陸冰詩

標格真清映雪霜每聽新語覺神傷
茶分鴻漸經中味菊愛龜蒙賦裏香
圃積玉多知學飽囊裝金少爲貧忙
向來笑疾難醫在老筆空抄十卷方

梅磻詩話純用陸姓事與東坡贈張子野詩頗相類鴻漸龜蒙的對

荻芽

江客因貧識荻芽一清塵退雜魚蝦
燒成味挾濠邊雨掘得身離雁外沙
春饌且供行釜菜秋江莫管釣船花
食根思到蕭騷葉痛感邊聲咽戍笳

荔子

選荔過于選士難味佳能有幾登盤
林家新出金釵子合入君謨譜後看

句

雨過亂蕪堆野艇月明長笛和菱歌

以上全芳備祖

章謙亨

謙亨湖州人紹定中鉛山令

淨惠院

淨惠荒涼寺平林淺阜閒殿存碧支
佛門對赭亭山遶屋竹陰翠沿階苔
暈斑雨中來託宿卻羨白鷗閑

廣信府志

安如山

如山字汝止廣漢人善擊劒左右射
讀經史百氏之書端平甲午安撫曹
友聞辟掌書記不起友聞戰死如山
往收其骨藏諸其先人之側乃東下老

于會稽

曹將軍

將軍精悍姿齒齒碎鐵石在昔童稚中但聞飽經術縱橫
騁柔翰丹雘間金碧有司塞明詔敝邑屈詞伯芹香春水
生冠玉侍重席脫畧章句陋搜抉窮理窟未及文化成其
如王土窄丈夫報主願豈必蒙清秩蒼然請去位滿面秋
栗烈糾合熊虎羣旆旆揚廣陌正當摩厲閒一鼓拔勅敵
屯兵沔水源千里斧截截浩蕩排州旻西極安岷嶲柰何
國無人腐儒秉旄鉞賞予入私門金湯授盜賊公時奮臂
爭反遭獻玉刖三軍視馬首慟哭下天壁功成坐齟齬憤
怒鬚插戟中宵拔劍赴肅肅整勁翮吐氣風雲生塞旗陷
堅列貫穿死生地喋血天地黑勢雖衆寡懸形未雌雄決
路窮斷首尾衆盡乃手格豈知龍虎逝黯淡山川色百萬
尚震驚嗚呼死諸葛長城但自壞千古痛稠結肉食無遠
謀野史有直筆酒酣歌節士晶晶霜月白

下瞿塘

去去如奔馬來來無盡船人心似江水日夜向吳天

以上谷音

黎宙

宙號月潭

游金精山

不到金精久山空花自香殿梁唐歲月石鼓漢文章洞杳
多雲氣崖高易文陽酌泉消世慮吾亦下縉絳

金精風月

參雲屨躡高長文淵淵泉龍吐靈音亦三
不庭金辭入山空芬自香颯乘惠慈日百
披金辭山

宙銀貝羅

縻甫

去去成發濕來來無盡洲人心以水日亦向吳天

不盟謝

蕙裡史育首筆暫猶滄士晶晶露月白

尚靈鸞訓和源精葛尋歎以自爽千古欲斷絲肉食無滋

窺窺瀾首鼠衆盡以手斜豈映箭氣遊瀛洲山川分百薄

聖既其采派生此點血天賦黑髮觀衆裏繼汗未也

宋詩紀事卷六十五

錢唐厲鶚緝

吳毛德基勘定

陳均

均字平甫號雲巖莆田人俊卿從孫肄業太學嘗
輯宋編年舉要備要二書端平初有言于朝者敕
賜廸功郎不受卒

九江聞雁

烟波渺渺夢悠悠家在江南海盡頭音信稀疎兄弟隔一
聲新雁九江秋

詩家鼎鑪

鶴林寺

知有楓林坐竹閒每尋紆路試登山虛簷忽見籠中鶴似
我愛閑身未閑

竹遶高僧逢話處花畱仙者舊開枝道身虛淡元無著付

與東風爛漫吹

鶴林寺志

杜旃

旃字仲高旃弟與弟旃叔高旆季高旻幼高俱博
學工文人稱金華五高嘗占湖漕舉首有癖齋小

集

綠珠行

蜀絲殷空金作谷珊瑚成林珠百斛彼姝千花萬花蔟明
月出胎波照綠鏡中飛鸞掌中身夜月春花看不足悲歡

倚伏爲禍福西里憐顰東市戮願將舊意奉新人此別它
生定難卜君因妾死莫多怨妾死君前君眼見高樓直下
如海深璧玉一碎沙中沈平時感君愛妾貌今日令君知
妾心

讀杜詩斐然有作

王澤久淪浹正聲皆雅言百川忽西流青黃雜犧尊騷經
吹死灰明燭日月昏綺麗兆建安淳古還開元夫子握元
氣大音發脰暉明婁失毫芒神義隘乾坤再變六義彰一
日五典惇上該周南風下返湘水魂仲尼不容刪餘子何
足吞五季兵戈繁嘲啗蟲鳥喧頽波旣瀾漫新奇尚西崑
吻喙生譏評神鬼懷憤冤王蘇發醯甕黃陳窮河源煌煌

百年閒後學同推尊時時或嘗鼎往往猶戴盆倣摹惑銅
槃箋釋訛金根顧予小子旃獨受罔極恩神融淚交墮思
苦心屢捫相望五百載如接顏色溫爐冶無停工況復忝
諸孫斯文誠尚存庶以起九原

陸務觀赴名

四海文章陸放翁百年漁釣兩龜蒙數關天地吾何與老
作春秋道未窮李耳守官逾二代張蒼職史到三公坐令
嘉泰追周漢此是君王第一功

以上辨齋小集

杜旂

旂字叔高端平初以布衣召入館閣校讎

陳同甫跋云叔高之詩如干戈森立有虎食牛之氣而左右發春妍以輝映于其間

嚴先生釣臺

斯人真隱處寂寞使人愁正著雙臺在還從一老遊涼風
動陰壑斜日下滄洲灘畔沈沈水潛魚亦避鉤

釣臺集

游九功

九功字勉之建陽人用蔭補官除湖北運判知鄂
州名爲兵部郎官出知泉州端平初仕至司農少
卿寶謨閣直學士與兄九言自爲師友講明理學
號受齋先生諡文清

絕句

烟翠松林碧玉灣捲簾波影動清寒佳山未必知山好卻
是行人得細看

全芳備祖

荅黃叔暘

冥鴻倦雲飛斂翼退遵渚秋蟲感時至自野來在宇老我
久合歸溪山況延佇俯此沙水清面彼烟塵聚壟斷旣衝
衝瀾倒亦詡詡豈無砥中立而不改風雨忽忻遠寄聲秀
句盈章吐璀璨爛寒芒晴空見冰柱頗聞詞場筆漫焉棄
如土黃梁枕上過得之亦不處獨行固不移尤在審去取

詩家鼎鑪

李伯玉

伯玉字純甫饒州餘干人端平二年進士第二仕
至敷文閣待制權禮部尚書兼侍讀卒有斛峯集

懷湯尚書伯紀

一曲清歌一弄琴十千美酒十分斟江流不動潮初上斗
柄將垂夜向深沙觜露溥孤鶴警潭心月冷老龍吟此時
最是懷鄉國雲裏征鴻閒遠砧

饒州府志

潘枋

枋字庭堅閩人端平二年進士第三歷太學正通
判潭州有紫巖集

齊東野語庭堅富沙人初名公筠後以詔歲乞職南臺神夢有人持方牛
首與之遂易名枋理宗殿試第三人跌宕不羈為福建帥司機宜文字
醉騎黃犢歌離騷于市嘗約同舍置酒瀑泉酒行令曰有能以瀑泉灌
而吟不絕口者眾拜之庭堅被酒豪甚脫巾髻髻裸立流泉之衝高唱
纓之章眾謬為驚歎羅拜以為不可及歸即臥病而殂庭堅年六七歲
嘗和人詩云竹纜生便直梅到死猶香識者知其不永劉潛夫誌其墓云
庭堅為文脫去筆墨蹊徑秀拔精妙結字有顏筋柳骨小楷尤工廷試第
三策傳京師紙貴初遠相擅國諱聞綱常端平親政奮發獨斷雪故王收
人望乙未策士庭堅對曰陛下手足之愛生榮死哀反不得視士庶人宜
厚東海之恩裂淮南之土以致人和時對者數百人庭堅語最直

澧陵

一郭依稀隔渡頭解鞍來倚店家樓已攀桂樹吟招隱因
看梅花賦遠游市上俚音多楚語橋邊碧色是湘流江南
鄉國三千里目送羈鴻起暮愁

後村千家詩

題嶽麓寺道鄉臺

坡仙不謫黃黃應無雪堂道鄉不如新此臺無道鄉青山
非其人山靈能頡頏一落名勝手境與人俱香悲吟倚空
寂臨眺生慨慷道鄉不可作承君不可忘

困學紀聞

景靈宮恭謝駕回丞相以下皆簪花

輦路安排看駕回千官花壓帽簷垂君王不輟憂勤念玉
貌還如未插時

隨隱漫錄

落梅

一夜風吹恐不禁曉來零落已駸駸忍看病鶴和苔啄空
遣飢蜂繞竹尋稚子躊躇看不埽老夫索寞坐微吟窗前
最是關情處拾片殷勤在掌心

夢梁錄

英烈夫人廟

淮海豔姬毛惜惜蛾眉有此萬人英恨無七首學秦女向
使裹頭真杲卿玉骨花顏城下土冰魂雪魄史間名古今
無限腰金者歌舞筵中過一生

高郵州志毛惜惜郵之官妓也端平二年榮全據城叛名惜惜佐酒不屈
罵賊死詔封英烈夫人賜廟潘枋有詩

曹娥江

一川紅日漲晴波黃絹碑漫閉碧蘿不止但爭三十里曹

瞞元不識曹娥

娥江題詠

林希逸

希逸字肅翁福清人端平二年進士歷官翰林權直兼崇政殿說書直祕閣知興化軍有庸齋續集

竹溪十一藁

劉後村跋乾淳閒林艾軒始好深湛之思加鍛鍊之功有經歲累月繕一章未就者一傳為網山林氏名亦之字學可再傳為樂軒陳氏名藻字元潔三傳為竹溪詩比其師稿乾中含華滋蕭散中藏嚴密窅狹中見紆餘

題馬和之覓句圖

先生隱几奴煨火斜插疎枝破瓦尊鶴夢未回更幾轉吟成應是月黃昏

明皇聽笛圖

壽王妃弄寧王笛對面三郎背老伶卻恨馬嵬西去路無人吹出雨淋鈴

題江貫道山水四言

此畫正絹作石林簡齋有詩跋

遠山叢叢遠樹濛濛咫尺萬里江行其中短長何岸高低何峯彼坻彼峙彼瀑彼洪晴嵐乍豁煙靄蔥籠或斷或屬且淡且濃爾翠奚寺爾盤奚宮或垣陰翳或梁嵌空有吠者厖有樵者翁危檣落碇短棹掀篷往來異趣寂動殊容霧翠其庭豈非盧鴻畧約而渡豈非龜蒙昔我經行雲山萬重若淮南北與江西東亦蓑而雨亦帽而風乃今追維夢境相從及此開卷恍然昔同誰居作者造化論功淹總其裔熙成是宗聲聞九陛既名而終謂彼樹白

貫道畫林木如算子其身皆白

識其身窮其然豈然訊之天公此名穹壤疇日不逢

題達磨渡蘆圖

白頭浪中碧眼胡赤腳笑蹋雁銜蘆太平寺主不知我觀
音後身誰誑渠是身如幻本來空偶然遊戲非神通當年
涉海向震旦扁舟本與商胡同君不見壺正弟子御風飛
猶有所待周笑之又不見橫拋錫杖渡水僧回瞻黃檗稱
大乘此胡法器更奇在何曾以此為聖解蕭郎不悟義不
畱欲要時人畧驚怪異時埋骨寄熊耳萬里西歸提隻履
忽從蔥嶺遇宋雲雅意依然今日是此圖誰筆面如活客
來卻詠臨波鞵若將底事比渠儂老胡暗中定羞殺以上竹溪十一藁
曾三異

三異字無疑號雲巢新淦人以隱逸名為祕閣校

勘除太社令

鶴林玉露雲巢周益公門人博學工文尤精考訂以隱逸名立朝逾年未及有所開陳奉祠而歸年九十九乃終

攜茶訪楊東山

舉衣不待履霜回到得如今亦樂哉泓穎有時供戲劇軒
裳無用任塵埃眉頭猶自懷千恨興到何如酒一杯知道
華山方睡覺打門聊伴茗奴來

鶴林玉露端平初楊東山累辭名命以集英殿修撰致仕家居年八十曾雲巢攜茶訪之詩云

陳容

容字公儲自號所翁福唐人端平二年進士倅臨
江入為國子監主簿出守莆田

圖繪寶鑑所翁詩文豪壯善畫龍得變化之意潑墨成雲噴水成霧醉餘大叫脫巾濡墨信手塗抹然後以筆成之或一臂一首隱約不可名狀曾不經意皆得神妙

題浯溪中興頌

銀旗金甲渡巴西靈武城樓已萬幾一札祇聞元帥命五
賤合待使臣歸未聞請表更追表且看黃衣換紫衣天性
非由人偽滅何緣尚父結張妃
六等勝如誅獨柳二張縱活亦何顏太師死後猶書法水
部刑章托頌閒最憶海青投樂器絕憐甄濟隱青山中興
碑下姦臣懼天道何嘗不好還

隨隱漫錄

張道洽

道洽字澤民號實齋衢州開化人端平二年進士

嘗為池州簽判後辟襄陽府推官卒平生作梅花
詩三百餘首

方萬里序實齋先生詩無一語不平淡而豪放之氣自不可掩詠梅詩極多篇有意句有韻

梅花

行盡荒林一徑苔竹梢深處數枝開絕知南雪羞相並欲
嫁東風恥自媒無主野橋隨月管有根寒谷也春回醉餘
不睡庭前地祇恐忽吹花落來

瀛奎律髓

李山節

山節汾州人金亡歸宋

楊妃菊

命委馬嵬坡畔泥驚魂飛上傲霜枝西風落日東籬下薄

宋詩紀事卷六十五
八
倅三郎知不知

山房隨筆端平中朱湛盧復之使北展覲入陵引李與王仲偕南李初任鄉郡節制司幹後任浙西倅時正倅陳三嶼松龍會僚友于多景樓賞楊妃菊令諸妓各持紙筆侍眾官請詩李自江下後至酒一行起背手數步吟云云辭致精切或至閣筆

陳振孫

振孫字伯玉號直齋安吉縣人端平中仕為浙西提舉改知嘉興府嘗著書錄解題

題張氏十詠圖

平生聞說張三影十詠誰知有乃翁逢世昇平百年久與齡耆艾一家同名賢敘述文章好勝事流傳繪素工遐想盛時生恨晚恍如身在畫圖中齊東野語
朱復之

復之字幾仲號湛盧建安人端平中使北展謁八陵

楓

鳳山高兮上有楓青女染葉猩血紅莫辭老紅嫁西風一夜憔悴成秃翁全芳備祖

句

忽聽夏禽三五弄新紅突過石榴枝初紅蕖老去羞明鏡推讓朱榮上蓼梢秋日 後村詩話

周弼

弼字伯弼文璞之子有端平詩雋
建寧浦城李頌行祠

建安梨嶽老梨木刻作唐朝建州牧香爐忽動吹寒灰浦
城環翠陰風來嶺頭頑石盡能走淵下奔泉皆倒回猿猱
啼兮鬼嘯野六元蚪兮四驪馬想須吟遶碧草亭舉手高
翻白雲寫峯爲交通名夢筆楊公書堂曾散帙麗月鮮霞
付與誰烟墅有人還築室田父何所祈贈爾青甃黑桑椹
里儒何所求贈爾黃梁布囊枕萬歲兮千秋旣往兮復畱
抽蘭心拆椒口箴南箕挹北斗不假竹枝歌何須折楊柳
祇用秦原妙絕詞傳入神弦薦春酒

寄杜北山

一曲小湖濱幽居不厭貧坐容禪子憩家就麴生鄰簷竹
侵燈衆籬花落竈頻幾時吟得句寄與豫章人

孫伯符墓

梧葉蕭蕭墓草長夢魂曾斷九迴腸空聞絳帟離漳水誰
見黃旗入洛陽虎踞有基宮樹老龍盤無廟石城荒赤烏
不識桑田變猶自棲棲戀白楊

山居春晚

索居牢落動關心但覺怱怱歲月侵無夢不因憐晝靜有
懷多是惜春深草香稚蝶銷胡粉花落蠻鶯變楚金最是
不禁芳樹色能涵幾日又成陰

荻港

波眼沄沄浪復輕稍蘇羈束過清明倩人覓路先尋酒久
客懷鄉始見錫松下紫芽肥野菜竹閒青葉帶山櫻自從

一別齊安後直到今朝始聽鶯

中和節

時節恩忙過隙駒
可堪岑寂就船居
不禁衰病慵耽酒
無益閑交嬾報書
風暖暮田歸海燕
雨酣春水上潮魚
客中自是光陰速
纔見新正又月初

釣臺

晴江漾漾綠波來
惆悵君房去不回
秦苑山河歸故國
越鄉風雨閉荒臺
春風一道江籬長
落日千峯杜宇哀
欲訪釣舟無處所
野花如雪滿汀開

野廟

野廟荒蕪倒掩扉
寂寥香火客來稀
年年歸燕相看覩
空

滴春泥損畫衣

夜深

虛堂人靜不聞更
獨坐書牀對夜燈
門外不知春雪霽
半峯殘月一溪冰

題僧子溫畫水墨葡萄

裊裊多應半熟時
落斜高挂冷攢枝
分明記得山窗下
一架寒藤帶雨垂

除夕思歸

山妻書到多日野
渡舟橫幾回想
見溪邊亭上故人待
我銜杯

以上端平詩雋

陳瀧

瀧字伯雨其先汴人徙于吳鄉薦漕試皆不利晚

號碧澗翁與湯仲友高常顧逢皆吳中端淳名士

題蘇子美滄浪亭

有磬井方石上刻字兩行云滄浪亭奕局

整履上飛虹風高退酒容葉黃翻亂蝶樹老臥蒼龍古徑

秋霜滑空山暮靄濃滄浪碁石在題筆暗塵封

視北雜志

樓扶

扶字叔茂號梅麓鄞人端平中沿江制置司幹官

淳祐中知泰州軍事

句

夜深更擁寒衾坐明月梅花共一窗

全芳備祖

張端義

端義字正夫自號荃翁鄭州人居姑蘇端平中應

詔三上書韶州安置有貴耳集

賦秋江圖

浪靜風平月正中自搖柔櫓駕孤篷若無三萬六千頃把

甚江湖著此翁

貴耳集附自作小傳大父雲莊公登辛未榜先君詠齋為淮南漕光宗即位初年應詔上書下後省看詳羅紫微點劉左史光祖極稱賞之將上為時宰所沮于少苦讀書肄舉子業勇于馬嘗拜平齋項先生于荆南如慈湖說齋鶴山菊坡習菴皆從之遊愛作詩賦小詞盧蒲江取碧雲千里暮紅葉十分秋之句周晉仙取怨春紅豔冷之句孟藏春取蝶詩不因花退盡必是夢殘晴之句凡海內名勝來吳必訪樂圃之張書桃符曰江湖且過詩酒叢林應端平詔上第三書得旨韶州安置以螻蟻之微嬰斧鉞之威人皆危之當國者云詔以直言罪以直言非祖宗制幸脫萬死考之典故安置待宰執待從居住待庶官聽讀待士子自效待軍將小臣用大臣之法誤矣或者以安置為竄謫之極典又非也余三十年前賦秋江圖一絕今白髮種種儻符此詩語吾志甲矣余生于淳熙之己亥書于淳祐之辛丑年六十有三有上皇帝三書詩五百首詞二百首雜著三百篇曰

挽周晉仙

策杖辭朋友形骸已可憐無錢親藥裹冒雨上歸船官竟生前棄詩應死後傳空餘京洛月愁照夜臺邊

詩家鼎鑪

盧方春

方春號柳南永嘉人嘉熙戊戌進士

送陸郎中歸越

啾啾風雨餘出晝思何如鏡裏無慚色囊中有諫書寒崖立松柏清廟擲璠璣四海看霜月光明祇似初

詩林萬選

窄嶺

危嶺惡有名窄嶺險無數石鼻卷我車石牙隱我步空岡

蟲九頭黑身眼四顧擲之聲愈厲飛前使人怖想當開闢時已是樵獵路茅臭不成山瀑斷不成布丫崑升惡爰蹄涔立飢鷺蘆花大如錢況乃時寒返征誤假道撫景自作怒林壑非出倫筆硯不入務腳怠宿未投天低日俄暮

東甌詩集

錢時

時字子是號融堂淳安人受學慈湖之門嘉熙二年以薦授祕閣校勘出佐浙東倉幕召為史館檢閱有蜀阜前後集

十六渡

頗聞十六渡客子良閒關一雨落澗谷湍氣怒潺潺我來

屬秋晚霜葉初爛斑窈窕行竹輿鳴禽相與閑復嶺互交
鎖淺瀨隨回灣路斷一罅通石磴危躋攀時見荷鋤者行
歌語蠻蠻採山有薇蕨結廬有茅菅安知避世人不曾巢
其間何時一枝筇溯流到黃山桃源事荒怪誰謂非人寰
蜀阜精廬無風自涼方欣然出戶見竹雞將雛砌外
蒼筍淨如洗蒼筴清且深依巖自幽潤況無日影侵亭午
一升階忽若投凌陰涼氣颯以入肅肅生衣襟大火浮炎
埃虛堂抱雲林安得冰霜顏聽我山中吟盤桓去未忍砌
外行山禽一母將四雛出沒叢草陰我非有馴德渠自無
機心欣然歸北窗載弄南風琴

袁尚友座中王屯田出與可竹甚奇歸成古調

郎星聚頭金地麓十月夜堂春昱昱屯田博古到名畫座
上忽展牛腰束我生不識須菩提薛鶴楊梅姑置之寒梢
八幅奇更偉上有巴中與可題蒼蛟滑足石詰曲鐵鉤怒
掃連蛇腹敲風灑雨清逼人恍疑身在篔簹谷千尋雙幹
劔拔雄筆力有盡意無窮冥冥上與風霆會拭目變化洪
陂龍長憶東坡一轉語與可德人非畫史輪困寫出歲寒
心正要諸公來料理

薛稷鶴楊補之梅並唐畫須菩提皆座上所觀

新晴

宿雲穿日薄商畧作新晴燕子先期社海棠今日春溪山
雙白鬢天地一閑身無語東風裏飛花亂撲人

安素午睡

禾黍秋相近溪山日自長午窗千嶂雨幽夢一簾香以上蜀阜集

溪南遇雨

溪風颯颯雨霏霏秋滿蘋汀獨步歸丹巖園林棠葉老錦纏籬落豆花肥眼前風景依然在箇裏光陰得者稀憶著歲寒雲壑上山禽對雨傍人飛嚴州府志

登蜀阜

秋暮如京歲暮還春來更墮藥瓢閒眼前有底閑風月忍得經年不上山青溪詩集

賈似道

似道字師憲號秋壑天台人姊為理宗貴妃詔赴廷對登嘉熙二年進士累拜少傅右丞相度宗朝

拜太師平章軍國重事德祐初元兵破鄂州出督師潰于魯港謫高州團練使循州安置至漳州木

綿菴監押鄭虎臣拉殺之

盧熊蘇州府志鄭虎臣宅在鶴舞橋東其家鉅富居第之盛號鄭半州四時飲饌各有品目著集珍日用一卷并元夕閨燈實錄一卷當宋末殺賈似道于木綿菴即其人也虎臣字景名

歸葛嶺舊居

罷官歸舊宅山水得頻過息影隄邊樹清心湖面波勞無功可紀頑有命相磨見說連朝雨田家正剪禾

題孤山

半是樓臺換卻春幾回獨立更消魂斷隄野水梅花宅千古春風月一痕

紫薇嶺

在昌化縣

西風落葉路漫漫
衣袂微生且暮寒
祇隔片雲家便到
遠山移作夢中看

鳳山

在於潛縣

數家烟火深村裏
幾處牛羊落照中
客久不歸心事遠
梧桐葉落是秋風

宿天竺通元菴

卜甲高楓樹松邊
屋數間客同終夜
語心是一般閑燈
色難禁雨秋聲不
離山明朝分手後
俗事不相關

咸淳庚午冬大雪遺安撫潛侍郎

臘前又放玉園林
一片花飛一片心
灑奕端由人所召
燮

調多媿病難任
乾坤浩浩無偏處
田野穰穰更自今
但得諸賢成此樂
權舟我欲去山陰

以上咸淳臨安志

芍藥

又是揚州芍藥時
花應笑我賦歸遲
滿堂畱客春如畫
對酒何妨鬢似絲
玉立黃塵那可到
錦幃紅蠟最相宜
買山若就當移種
此際誰能杖履隨

梅花

朔風吹面正塵埃
忽見江梅驛使來
憶著家山石橋畔
一枝冷落爲誰開
山北山南雪未消
村村店店酒旗招
春風過處人行少
一樹疎花傍小橋

閨怨

燕子樓前柳色新
畫眉人去鏡生塵
年來羞結空牀夢
閑撥琵琶過一春

以上全芳備祖

寒食

寒食家家插柳枝
戀春春亦不多時
兒孫祇解花前醉
青冢能消幾箇悲

三朝野史寒食詩云云此賈秋壑于德祐元年上母墳回至集賢堂所作豈非亡國之讖

天台石橋

古寺行終日
僧房出翠微
瀑為煎茗水
雲作坐禪衣
尊者難相遇
遊人又獨歸
一援橋外急
便是不忘機

天台山志

句

梅花見處多畱句
諫草藏來定得名

送朝客 深雪偶談

朱南杰

南杰丹徒人
嘉熙二年進士
溧水令有學吟

同陳如叔遊湖

四月湖邊冷若秋
先賢堂下繫扁舟
山頭積翠來新意
波面飄紅憶舊遊
無奈楊花欺倦客
已多荷葉覆輕漚
隄邊誰道春歸了
猶有一聲黃栗畱

題吳梅菴和靖索句圖

童寒鶴冷雪霏霏
正是先生得句時
一段孤清圖不盡
梅花從此厭人詩

以上學吟

錢默

默號梅谷時子

秋思

坐擁遺衾百尺樓湘簾高捲不勝秋半窗涼月三更夢一

枕淒風萬斛愁

青溪詩集

錢 標

標 默弟

溪上

秋老蘆花冉冉飛曉天寒氣襲人衣輕撓櫂入鷗羣去釣

得鱸魚帶雨歸

青溪詩集

蔡公亮

公亮嘉熙中監岳見孫夢觀雪窗文集附錄

一字天

石室陰幽卻朗然仰窺長罅見清元不知誰把如椽筆畫

出光明一字天

武夷詩集

翁逢龍

逢龍號石龜四明人嘉熙中平江通判

天津橋

下馬過天津聽傳禁漏頻惟憐一橋月曾照六朝人金剝

宮門字紅飛粉壁塵中官來宿內因問帝鄉親

景定建康志

曹娥江

再拜靈娥廟魂清若可招幡風吹古渡帆月落殘潮碑有

行人讀香多野客燒迎神漢朝曲時聽起雲霄

娥江題詠

杜耒

耒字子野號小山盱江人

鶴林玉露嘉熙開山東忠義李全跋扈日甚朝廷擇人帥山陽見士大夫無可使遂用許國許國武人也特換文資除太府卿以重其行國至山陽偃然自大受全庭參全軍忿怒囚而殺之幙客杜子野詩人也亦死焉

送胡季昭竄象郡

事見翁定詩

廬陵一小郡百歲兩胡公論事雖小異處心應畧同有書
莫焚橐無恨豈傷弓病媿不遠別寫詩霜月中

鶴林玉露

寒夜

寒夜客來茶當酒竹爐湯沸火初紅尋常一樣窗前月纔
有梅花便不同

同紫芝宿雙嶺

本作翠巖游反成雙嶺畱雲深山易晚雨過寺如秋野水
連青竹殘僧半白頭上方成共宿劇語到元幽

以上前賢小集拾遺

茗溪

風掠篷窗雨鬢秋生涯無歲不扁舟吟詩本欲相消遣及
到吟成字字愁

詩林萬選

趙范

范字武仲號中菴衡山人少從父方軍累官淮東
安撫與弟葵討平李全進工部尚書沿江制置使
尋知襄陽府北軍內叛言者劾范落職送建寧府
居住嘉熙初復官卒于家

絕句

半窗圖畫梅花月一枕波濤松樹風不是客愁眠不得此
山詩在此香中 全芳備祖

趙葵

葵字南仲號信菴范弟少從父方軍中補承務郎
以淮東提刑平李全有功進兵部侍郎淳祐中拜
右丞相兼樞密使咸淳初特授少師武安軍節度
使封冀國公薨贈太傅諡忠靖有集

劉後村跋少保丞相魯國信菴趙公事兩朝出將入相四十餘年發曠懷
于翰墨寓雄心于杯酒其評議定命則雅人之致家庭唯諾則萬石之訓
結交氣義則河梁之作望古慷慨則梁父之吟至于陶寫性情賞好風月
雖玉臺香奩諸人極力追琢者不能及也

雪夜

酒力欺寒淺心清睡較遲梅花擎雪影和月度疎籬

雪

玉龍昨夜起天涯曉看團花一尺圍莫放妝臺簾卷上怕
驚釵畔寶鸞飛 以上後村千家詩

避暑水亭作

水亭四面朱闌遠簇簇游魚戲萍藻六龍畏熱不敢行海
波煎徹蓬萊島身眠七尺白蝦鬚頭枕一枚紅瑪瑙公子
猶嫌扇力微行人多在紅塵道

昨非菴日纂趙葵嘗避暑水亭作詩六句已成葵遂睡去有侍婢續二句
云云

惠山寺

古木森森映碧苔嗟我樓閣倚天開山僧不問朝天客自
注冰泉浸野梅 常州府志

林興宗

興宗字景復莆田人官曲江守

句

最是北來詩料少地寒難得見梅花 形容變盡頭如雪

不改當時一寸心

梅磻詩話宋嘉定寶紹間叛將李全駐兵淮東之山陽驕悍難制戍許國逐姚翀殺命士苟夢玉杜未士大夫視山陽不啻如蛇鄉虎落時莆人林興宗景復授法曹以往時論壯之安晚鄭公在瑣闥餞行有詩云淮海轅門立奇士要看左袒為劉時蓋勉其盡節也景復到任後改淮安令辛卯春全破通泰犯揚州為王師掩擊殲城下其妻楊姑姑懼朝廷必討遂掃眾盡俘執南官北去景復羈囚山東凡十年挺節無所汙安晚餞詩可無負矣信菴趙公遣問物色損金資得之以反縣國印與告身俱存趙公奏乞旌擢以勸盡節者朝廷錄用官至曲江守景復北地詩云云江湖間多稱之

葉夢鼎

夢鼎字鎮之寧海人嘉熙上舍釋褐淳祐中為祕書郎寶祐初以集賢殿修撰知贛州咸淳間特拜右丞相惡與賈似道同政力辭益王即位名為少師道梗不能赴南向慟哭而還卒于家

瀛洲亭 在撫州西北

汝城高處著危欄人在蒼寒縹緲間下瞰無邊春境界西來第一好江山酒拈重碧酣詩思柳曳輕黃入笑顏閣老可能專此勝蛾眉花底又催班 撫州府志

許棐

棐字忱夫號梅屋海鹽人嘉熙中隱居秦溪于水南種梅數十樹自號梅屋有梅屋詩彙融春小綴

許梅屋嘗自序其藏書曰云予性喜書舊積書千餘卷今不啻倍之人有奇編見無不錄以故懷室皆書今卽老而貧乎而人不鄙夷予之貧鬼不御掄予之貧皆書賜也

訪潘叔明

一室寬于養鶴籠
荻簾疎透雪花風
怪來几案無寒色
春在題詩卷子中

明妃

漢家眉斧息邊塵
功壓貔貅百萬人
好把香閨舊脂粉
豔妝顏色上麒麟

元夕後湖上作

自從樓閣罷燒燈
未有今朝一日晴
暖拆葑邊冰翼破
寒畱山頂雪痕輕
驕驄已印尋芳跡
小妓新翻鶯唱聲
每箇

旗亭商一醉也應排日到清明

枯荷

萬柄綠荷衰颯盡
雨中無可蓋眠鷗
當時乍疊青錢滿
冩信池塘有暮秋

泥孩兒

牧瀆一塊泥裝塑
恣華侈所恨汎體微
金珠載不起雙罩
紅紗廚嬌立瓶花底
少婦初嘗酸一玩
一心喜潛乞大士
靈生子願如爾
豈知貧家兒呱呱瘦
于鬼棄臥橋巷閒
誰或顧生死人賤
不如泥三歎而已矣

以上梅屋詩藁

筍蕨羹

趁得山家筍蕨春
借廚烹煮自炊薪
倩誰分我杯羹去
寄

與中朝食肉人

山家清供

黃簡

簡一名居簡字元易號東浦建安人寓吳工詩嘉

熙中卒通判翁逢龍葬之虎丘有東浦集雲墅談

雋

犁春操為謝耕道作

東山兮雲浮東淵兮雨流失今不勤兮曷其有秋水滯兮
石齧田碣礫兮一畦九折予勞兮何辭牛奚罪兮從予以
羸眇良疇兮彌野獨功倍兮刈寡雖然不愈于無田而遊
兮歲晏淒其桑落之下

招荆江蕩子

衝風逐飛雲庭葉紛墮槁蕩子久不歸佳人坐中老蕭蕭
楚山晚湛湛江水流經從望夫石那得不回頭

以上前賢小集拾遺

柴望

望字仲山號秋堂衢州江山人嘉熙間為太學上
舍除中書奏名淳祐六年丙午元日日食詔求直
言上丙丁龜鑑忤時相意詔下府獄趙節齋疏救
得放歸田里因又號歸田景炎二年端宗登極三
山孔大諫奏薦特授迪功郎史館國史編校辭歸
山中宋亡後稱宋遺臣有道州台衣集詠史集

困學紀聞淳祐丙午衢士柴望上丙丁龜鑑其表云今來古往治日少而亂日多主聖臣賢前車覆而後車誠

月夜溪莊訪舊

山山明月露何處認梅花石室冷疑水溪流白是沙清吟
幽客夢華髮故人家相見即歸去已應河漢斜

天地閒集

靈芝寺別祖席諸友

落日寒城暮雨餘滿斟離酒意何如見妻還指張儀舌痛
國誰憐賈誼書羸馬病童旋雇倩寺禽山獠亦欷歔長安
可是深居處更向深山深處居

鶚按淳祐六年秋堂以上丙丁龜鑑下獄趙京尹節齋疏救之放歸田里
設祖道涌金門外者為三山鄭震紹武吳陵建安葉元素松溪朱繼芳錢
唐翁孟寅田井陳麟黃溱南康馮去辨西江趙崇嶠曾原一盱江黃載汶
陽周弼時晚色涌岫商飈振林各賦詩為別見蘇幼安所撰墓誌中靈芝
寺正在涌金門外

和王景陽越中寄別韻

王名億之號松閒

故人書紙問平安分已還山豈願官猿鶴不驚松徑夢貂

蟬難換竹皮冠長安落葉秋深見故國斜陽雨後看莫道
剡中吟不盡不成吟處亦停鞍

送宋南山開蜀闢

殿上傳宣內引官一封歷歷奏忠肝八千里路先聲至百
萬都人夾道觀節度晉公先授鉞淮陰韓信舊登壇擎天
正要中流柱莫擬人間蜀道難

和通判弟隨亭書感韻

風沙萬里夢堪驚地老天荒祇此情世上但知王蠋義人
閒雅有伯夷清堂前舊燕歸何處花外啼鶻月幾更莫話
淒涼當日事劒歌淚盡血霑纓

沛中歌

秦時日月漢山河家計今誰與仲冬天子不知天下貴酒
中唯唱沛中歌 以上柴氏四隱集

戴 昂

昂字景屏號東野石屏之從孫嘉熙己亥授贛州
法曹參軍有東野農歌集

秋日過屏山菴

淒切抱葉蟬閒關樓樹禽入山本避喧復愛聆此音微颺
動夕爽薄雲散秋陰衆籟闐以靜片月生東林
有感

著身平地更多憂一棹思爲泛宅謀昨夜西風邊報急防
江也要釣魚舟 以上農歌集

高子鳳

子鳳字儀甫華亭人嘗注杜詩林竹溪爲序

題楊補之墨梅卷

籬根玉瘦兩三枝爲繞吟香夜不歸安得密林千畝月仰
眠吹笛看花飛 松風餘韻

相如苗香芬

蘇軾詩集

蘇軾王與兩三封為蘇公香芬不置安卧密林于烟月

張翥蘇文墨琳卷

千鳳字翳甫華亭人嘗去林藉林竹筍為亭

高千鳳

宋詩紀事卷六十六

錢唐 厲 鶚 緝

平湖 陸銘三 馮溥 勘定

徐儼夫

儼夫字公望平陽人淳祐元年進士第一官至禮

部侍郎

直鉤和韻

一曲湖邊一釣磯桃花風定柳綿飛漁人豈識濠梁趣祇

解沙頭盡醉歸 東歐詩集

王應麟

應麟字伯厚其先汴人後居鄞淳祐元年進士寶

祐四年中博學宏詞科度宗時官禮部尚書兼給事中入元始卒有深寧集

唐開成年墓誌石

元至元二十七年城中握蘭橋旁民家築室穿土得誌石一片其文乃唐開成四年太原王夫人之墓誌謂其曾祖王元浩在元宗時拜諫議大夫左庶子慕巢由之志辭疾不就前宋尚書王應麟爲詩以紀其事

鴻濛肇開闢變嬗幾成毀寥寥斷竹歌瓦墮初姚姒周墳典以族詎認青烏子公琴記咎繇邢山稱重里葛清失之矯璠璣過于侈焉知宮夾墓莫識龜言水銅槃字十六銘自比干始延陵有孔子烏虜半辭止漢甄猶簡樸石章倭

華靡無媿惟有道媚俗多虛美七松談士良何以懲不軌載筆鮮南董襲浮謬臧否豈悟冢中人三百年不死婦名弗出闔古未有碑誄謚見春秋初誌起典午氏簪蒿隱士妻芳刻垂千祀楊高託不朽習之文中理或犯葵止禁息國事何恥蛾眉爲黃土磨滅更誰紀宰如比何人維邑之士女逸民儒仲裔冰雪濯統綺采儷古鄞州儉勤終暮齒口問幾何年頗與銅人似雖微黃絹辭亦質而不俚正夷池又平蓬顆今塵市聚廬寒劫灰餘光輝泥滓或行松柏下勢榮朝菌爾隆碣牛礪角翁仲臥荆杞蘭艾均一塵玉珉同一燬孤竹夢茫然柳下蘊孰是片石幸有傳詩以貽

彤史

王尚書遺集

澤民廟

唐大歷開明州刺史吳謙築九里堰民德而祀之

城西有祠臨水渌翠松列植路如砥問之耆老此為誰唐
大歷中吳刺史刺史為民開陂湖故蹟猶傳堰九里年年
簫鼓報豐穰決渠為雨潤澤美遺愛有橋名懷恩姓名不
載太史氏昔漢吳公治第一列傳寂寂名無紀刺史豈其
苗裔歟明州政亦河南比堂上大書荆公詩蘭菊春秋百
世祀地誌祇稱王長官有功于民蓋一揆吾聞是邦多賢
守裴王碑字顏與李惟侯盛德著人心彼石可焚祠弗圯
廣德湖為鴻隙陂名棠藥社誰敢毀杭稔克羨侯之賜廟
食長存如此水

延祐四明志

錢端琮

端琮淳安人淳祐元年進士

暮春

園林深處綠成堆更著松陰一徑苔煙欲過牆風約轉水
將爭港石衝回斷雲收雨鳩呼婦嫩麥盈隄雉應媒獨有
殘紅春不管等閒飛入酒卮來

四朝詩

馮去非

去非字可遷號深居南康都昌人椅子淳祐元年
進士幹辦淮東轉運司寶祐四年召為宗學諭

江上

清秋不可柰先自嬾登樓一雁叫寒水數峯生遠愁乾坤
消劒氣江海笑詩流不解人閒事眠鷗儘自由

所思

雁自飛飛水自流西風不寄小銀鉤斜陽何處橫孤篔簹十
二闌干一樣愁

以上詩家鼎鑪

金陵鳳凰臺

許大乾坤裏那無一鳳鳴臺敲紅日晚梧拂翠雲生瑣瑣
六朝夢悠悠千古情寒潮如有恨時打石頭城

景定建康志

偶成

春風吹送笑談香玉漏銀燈破夜涼歸去東華聽宮漏杏
花落盡六更長

句

愚見紀忘云宋時內樓五更絕柳鼓交作謂之蝦蟇更禁門方開百官隨
入所謂六更也馮去非詩云云

茶疎緣睡少

全芳備祖

曾

欲字宏父

題鳳山書院

暮春浴罷振春衣正是流觴修禊時世事藏機應落落人
情忘我總熙熙醉能辭醉原非醉詩到無詩乃是詩偉矣
蘭亭衆君子不將文字立藩籬

麟帖綜聞宏父跋云宏父初鳳山書院于廬陵去郡城遠不二三里深得
林泉之勝雖夏旱冬涸澗流自如稍東即泉所發源地鑿石引水以為池
號流杯池置亭其上友人維揚倅朱行父間拉十數親友緬蹈前躅因刊
麟圖并考訂所以親為小詩贅于後時淳祐改元歲次辛丑斗柄插亥上
澣甲子日也

董史

史字良史號閑中老叟有皇宋書錄三卷淳祐壬寅自序

題米元章書蹟拓本

書家寶晉始猶龍妙用通神五指中墨海波瀾無定勢元雲天矯欲隨空格高韻勝存人品脚闊頭空笑俗工建紹聖人精鑒賞奪真移在玉屏風

皇宋書錄高宗哀集米芾墨跡為十卷元章劇跡咸萃焉史家藏拓本嘗妄贊其後

俞文豹

文豹字文蔚括蒼人著吹劍錄淳祐三年自序

徐進齋得古銅香爐具象鼻眼博古圖謂之象鬲屬

余賦之雖不足言詩聊記曾見

在象數前鍾鼻眼出囂塵外鑄形模傳香到手親曾見全勝人看博古圖

願得身遊海外天蓬萊頂上覓沈箋為君喚起槐安夢細讀南華內外篇

自注泉州守王庭珪香譜云箋次于沈出占城國 吹劍錄

王平子

平子吳郡人尤工小詞

題雪獵圖

烽火一息三千年漢家將軍畫凌煙胡兒不識征戰事龍沙萬頃今桑田麗譙聲裏梅花月雲暗雪深風色惡長嘶一騎驄蟬聯狼帽羶裘寒雙鑠鞬鷹走犬登平岡狂狐剔眼夢飛揚貫鵬落雁真戲劇高鳥畧盡良弓藏鳳鳴居士

口雙碧少年讀書勇無敵但知橫行翰墨場豈料一禽終
不獲向來百非今已無筆端有口聊自娛故將胷中磊落
事寫作人間雪獵圖

吹劍錄

盧鉞

鉞字威仲永福人淳祐四年進士官太學博士咸
淳中以顯謨閣學士知隆興府官至侍郎

吳興舟中

笠澤高風寒凜凜茗溪凝雪白皚皚扁舟我獨乘歸興自
是不因安道來

後村千家詩

和太師平章魏國賈公大雪遺潛侍郎之作

底用封書禱梵林瑞霽先臘感由心豫知農畝宜禾稼復

喜邊儲足輦任民樂齊宮誇往昔捷歌周戍屬斯今變調
妙造推元老治象陽明無伏陰

咸淳臨安志

陳合

合字維善長樂人淳祐四年進士官知樞密院終
資政殿學士謚文惠

題陳經國龜峯詞後

西晉風流自一家憶君魂夢到梅花梅花深處無人跡明
月一枝霜外斜

龜峯詞有所齋諸兄爲之跋安用復著贊語漫書癸卯冬所作
懷舊一絕繫于後陳合維善 龜峯詞

汪立信

立信字誠甫號紫源先世新安人自浮梁徙六安
淳祐七年進士歷官端明殿學士江淮招討使元

兵至建康扼吭死之贈少傅

金陵懷古

勝地尚存龍虎氣荒臺已失鳳凰蹤六朝文物山川古霸

氣終歸指顧中

新安文獻志

葉隆禮

隆禮號漁林嘉興人淳祐七年進士官建康府西

廳通判改國子監簿

烟雨樓和朱南杰韻

傍家亭館占湖東寂寞為鄰祇陸公竹樹一隄如有礙乾

坤萬象自無窮權歌遠入秋波綠塔影中分晚照紅尊酒

待遊烟雨候畫圖著我笠蓑翁

至元嘉禾志

馬廷鸞

廷鸞字翔仲號碧梧饒州樂平人淳祐七年進士

度宗朝歷官參知政事兼同知樞密院事拜右丞

相以觀文殿大學士提舉洞霄宮瀛國公即位名

不至自罷相歸又十七年卒

贈程楚翁

汗竹丹鉛側空花粉黛中尚懷丞相亮冑署大夫雄有客

來今雨誇予邁古風幽情傾不竭渺渺碧雲東

新安文獻志

程瑞

瑞字希鳳號梧岡饒州人幼與同郡馬廷鸞相友

隱居自娛馬登政府未嘗以仕進干之

詠梅

清淺溪橋水高低籬外枝這些風骨異瘦盡古今詩

中洲野錄

陳鑒之

鑒之字剛父閩縣人淳祐七年進士有東齋小集

過吳江

垂虹四年別淼淼來夢境今晨整芒屨柳風吹鬢影春光
徹重淵蛟困綠波靜遠帆有無處小立為徐領浩歌翁自
得白髮亂垂頸一室世誰知三萬六千頃平生卜鄰意此
際味差永翁宵平分歟吾其辨漁艇

晚登京口倅廳富覽

窮途逢偉觀小閣江萬里薄暮岸幅巾寒烟四山起天河

注平淮斗柄臥蘆葦欲返還少畱燈青客船尾

京口江閣和友人韻

良辰仍我輩斗酒大江邊小閣納萬里一帆來九天世塵
黃鵠外詩興白鷗前地勝吾衰矣長懷李謫仙

題鄭承事所作蕙蘭

蘭如君子蕙如士此評吾得之涪翁有餘不足姑勿論畢
竟清幽氣類同

有感

霖雨何人記桑朱門車馬漲塵黃百年友誼須英槩畫
虎何妨效季良

同劉叔泰放步湖邊入靈芝寺坐依光良久叔泰誦

坡仙好把西湖比西子之句予因賦古風一首

劉郎喚我出勝處意所便清寒柳桃風濃淡杉檜煙僧廬
自生香步遶古佛前依光偶不局坐數禽聯翩平林度清
磬遙隄蒨歸船湖山露真態鷗點溶溶天形容幾吟筆剛
道妝抹妍莫作西子看正如姑射仙相知喜值予微笑生
清連

探梅

驢蹇颺寒獵帽羣吟肩山聳酒微醺彎彎竹徑霏霏雪小
小溪橋淡淡雲忽邂逅時真得侶向空濛處細飄芬回天
力量知誰似笑挽春來首策勳

與客夜飲蠟燭有花客請賦老

圓蒲促坐話情真蠟炬能花似有神畢竟蜂鬚膏馥在酒
邊依舊十分春

同潘孔時飲總宜園孔時出寶晉數帖呼道人吹簫
次日有詩予用韻荅之

六橋秋新宜醉吟舉杯共聽巖鶴音危亭三面立老竹寶
晉數帖清人心涼蟬不敢喧夕曛洞簫聲遶山腰雲搖搖
歸艇水紋裂山紫天青河漢白想君獨立對空闊一鷺毛
寒藕花月

題村學圃

田父龍鍾雪色髯送兒來學尚腰鎌先生莫厭村醪薄醴
酒雖醲有楚鉗

以上東齋小集

湯漢

漢字伯紀安仁人江東提刑趙汝騰薦于朝免解
差充象山書院堂長赴禮部別院試正奏名授上
饒簿淳祐中差充史館校勘度宗朝仕至刑部侍
郎權工部尚書提舉玉隆宮以端明殿學士致仕
卒諡文清有集

寄劉後村

唐朝空自貴宏詞科目何嘗得退之掌制徒聞誇子厚殘
篇僅見命敦詩堪嗟實錄無完傳太息淮西有後碑寄語
莆田紫薇老文章蓋世例如斯後村詩話
自儆六言

春秋責備賢者造物計校好人一點莫畱餘滓十分成就
全身困學紀聞

黃 雷

雷字子耕分寧人山谷諸孫從朱文公學登淳祐
進士累遷軍器監丞旬外知台州終袁州守有復
齋漫稿

葉水心墓誌云子耕詩詞如徑幽薄趨高正宇宙寄曠風露綽約人謂非
子耕所能魯直遺墨散落收拾未盡爾

題桃源台州郡圃

本自深村老圃來偶分符竹到天台漫山幸可容桃李莫
待劉郎去後栽赤城志

常 楸

宋詩紀事卷之六
十一
林字長孺海鹽人淳祐中進士度宗朝累官浙東
安撫使德祐初拜參知政事宋亡里居卒

題平江集仙宮

松菊新來入夢頻公餘乘興得尋真紅塵物外常清境白
日壺中不老春柏子灰寒烟寂寂桃花風煥水粼粼逍遙
羽士閑如許媿我浮名役此身

海鹽縣圖經

劉克莊

克莊字潛夫號後村莆田人以蔭仕淳祐中賜同
進士出身官龍圖閣直學士卒諡文定有後村集

題孺子亭

孺子亭前插酒旗遊人那解薦江籬白鷗欲下還飛起曾

見當年解榻時

題忠勇廟

士各全軀命惟侯視死輕張巡鬚盡怒先軫面如生短刃
猶梟寇空券尚背城新祠簫鼓盛人敬此神明

隨隱漫錄紹定庚寅春汀寇入譙趙守竄殿司裨將胡斌領弱卒二百巷
戰矢盡刀折易雙鐵鞭所殺尤衆死焉坐執雙鞭屢日不僵民賴其力多
獲竄免守臣王楚聞于朝贈武節大夫贈廟額忠勇

秋風

黃葉蕭蕭忽滿街獨騎瘦馬豫章臺莫將宋玉心中事吹
上潘郎鬢畔來

周漢國公主挽詞

孝謹親顏悅溫恭婦德修鵲橋方紀節鸞扇忽驚秋魯筆

王姬卒湘弦帝子愁願言寬聖抱况返藁宮遊
賜館恩通內妃坐詔卜鄰來應自仙佛去尚戀君親望送
龍綃溼封崇鶴表新不能秉彤管羞媿作詞臣

庶齋老學叢談理宗聖學高明尤工于文周漢國公主薨誌銘詔楊平齋撰挽詩以劉後村爲第一

落梅

一片能教一斷腸可堪平砌更堆牆飄如遷客來過嶺墜
似騷人去赴湘亂點莓苔多莫數偶黏衣袖久猶香東風
謬掌花權柄卻忌孤高不主張

病後訪梅

夢得因桃卻左遷長源爲柳忤當權幸然不識桃并柳也
被梅花累十年 以上後村集

瀛奎律髓寶慶初史彌遠廢立之際錢唐書肆陳起宗之能詩凡江湖詩人皆與之善宗之刊江湖集以售劉潛夫南岳稟與焉宗之詩有云秋雨梧桐皇子府春風楊柳相公橋哀濟邸而謂彌遠本改劉屏山句也或嫁爲敖臞菴器之所作者併潛夫梅詩論列譬江湖集板二人皆坐罪初彌遠議下大理逮治鄭丞相清之在瑣闥白彌遠中輟而宗之坐流配于是詔禁士大夫作詩如孫花翁季蕃之徒收業爲長短句紹定癸巳彌遠死詩禁始開潛夫爲病後訪梅絕句云云此可備梅花大公案也

齊人少翁招魂歌

夜月抱秋衾支枕玉鸞小豔骨泣紅蕪茂陵三十老臥聞
秦王女兒吹鳳簫淚入星河翻鵲橋素娥剗鞮跨玉兔回
望桂宮一點霧粉紅小蜨沒柳烟白茅老仙方瞳圓尋愁
不見入香髓露花點衣碧成水

東阿王紀夢行

月青露紫翠衾白相思一夜貫地脈帝遣織阿控綵鸞崑

崙低小海如席曲房小幄雙杏坡玉鳧吐麝熏錦窠輭香
蕙雨裙袂溼紫雲三尺生紅鞵金蟾吞漏不入咽柔情一
點薔薇血海山重結千年期碧桃小核生孫枝陳王此恨
屏山知

趙昭儀春浴行

花奴一雙鬢垂耳綠繩夜汲露桃藥青桂寒煙溼不飛玉
龍呵暖紅薇水翠鞵踏雲雲帖妥燕釵微卸香絲鬢小蓮
夾擁真人紅梅犯雪敲一朵鸞錦屏風畫水月鷓鴣抱
頸啞蘭葉劉郎散卻金餅歸笑引香綃護癡癡

以上詩人玉屑

句

判花人競誦詩草士深藏

贈洪使君 藝林伐山

劉克遜

克遜字無競號西墅後村之弟仕爲古田令

送楊帥

累詔登華省當時已避蹤身閑名轉重道大世難容南國
因鋤薤東山得倚筇何當投劾去短褐許相從

詩林萬選

劉黻

黻字聲伯號質翁樂清人淳祐中試入太學由學
官試館職度宗朝累官吏部尚書端明殿學士擁
二王入海及羅浮卒謚忠肅有蒙川集

大龍湫

總是佳山水龍居又不同神明專一壑氣勢壓羣雄派想

從天落湫疑與海通矩那看不厭宴坐雨聲中

寶界寺

在南安軍張無垢讀書于此雙趺隱然

城中惟一寺僧老雪盈頭曾識神仙到仍多諫議游鐘聞
香火夕碑隱桂杉秋可惜高堂上雙趺石不畱

題江湖偉觀

柳殘荷老客淒涼獨對西風立上方萬井人烟環魏闕千
年王氣到錢塘湖澄古塔明寒嶼江遠歸舟動夕陽北望
中原在何所半生盈得鬢毛霜

以上蒙川集

方岳

岳字元善寧海人有深雪偶談

感舊

并序

淳祐初僧友自南嘗從天竺歸隱溪之南岡余冬夕踏
落葉訪之小庵迎吠時佛燈猶在啟關煮茗既而偕行
溪閒篙小舟自拜龍巖順流東下誦坡谷詩徘徊久之
舍舟登岸借僧裘禦寒而返僕指二十霜矣

昔年訪月寒溪頭霜高酒劣稜生裘溪僧輟寢從吾幽共
移不繫漁父舟斷崖老木紛金蚪又如蘋藻涵清流鶴骨
浸煩風露憂妙語滿地無人收

深雪偶談

鷺

聳兩吟肩似我愁菰蒲葉下一身秋溪風昨夜吹魚落飛
過前灘看水流

陳郁話腴

方逢辰

逢辰字君錫淳安人淳祐十年進士第一初名夢
魁理宗御筆改今名累官兵部侍郎國史修撰兼
侍讀宋亡元世祖詔起之辭不赴卒于家有蛟峯
集

被徵不赴

萬里皇華遣使馳姓名曾覆御前甌燕臺禮重金爲屋巖
瀨風高玉作鉤丹鳳喜從天外落白駒須向谷中求敲門
不醒希夷睡休怪山雲著意留

贈樵隱

樵仙深入琴棊境一笑出門天地寬人世已非存朽斧土
音不改只南冠弦中自有冰心在局外何妨道眼觀霽月

光風元屬我飯牛何謂夜漫漫

以上蛟峯集

袁立儒

立儒號溪翁建安人淳祐中提點兩浙刑獄除侍
右郎官

題駙馬都尉王晉卿所作夢游瀛山圖

珍木文禽玉佩環清都絳闕色琅玕香山居士蓬萊院借
與王郎夢裏看

清河書畫舫

楊伯巖

伯巖字彥瞻號泳齋楊和王諸孫淳祐閒除工部
郎守衢州錢唐薛尚功之外孫弁陽周公謹之外
舅也著有六帖補九經補韻行于世

遊九鎖

曉山雲樹碧生秋乘興閑為洞府游片石卻將仙路隔負人平昔慕浮丘

亭前絕壁下飛瀑天風夜半吹韶咸疑是銀河天上水壯士挽落千丈巖

洞霄詩集

徐偃王廟

當年大德瑞朱弓仁在斯民千古同故國已無徐子土靈祠今有梵王宮水流簷影晴江上山接鐘聲暮靄中攬轡此行因致敬蒲團分坐聽談空

衢州府志

施清臣

清臣號東洲淳祐閒人

牽牛花

一泓天水染朱衣生怕紅埃透日飛急整離離蒼玉佩曉

雲光裏渡河歸

詩林萬選

王同祖

同祖字與之號花洲金華人淳祐中建康府通判

次改添差沿江制置司機宜文字有學詩初集

太乙宮卽事二首

金殿重重畫不開盤窠蒼柏兩行栽角門東畔瞻宸几仙仗曾迎翠輦來

綠陰密處著危亭佳氣蔥蔥王武林一片紅塵飛不入杜鵑啼處白雲深

自注山後有亭乃武林山

夜步內門

靜夜孤燈人未眠等閑行過內門前一聲唱徹連珠喏皇城

夜閒唱連珠喏

碧月朱闌綠柳邊

春日雜興

迢迢清夜靜無譁月色千門噪亂鴉吳山月明則鴉坐久忽驚

羣噪

寒力重不知殘雪在梅花

天津橋

橋在金陵行宮前昔人謂山如洛邑水如瀟湘因以名之

行闕千重鎖暮烟山如洛邑水如瀟黃塵障斷中原路悲立橋頭聽杜鵑

冬日金陵制幕書事五首

督制堂堂兩重臣駐師移府夾江濱資糧屢多多辦更

有舟車乞與鄰

自注時督制兩關移屯江岸應援淮城東關亦自維揚提兵會合軍需等物多本司貸之

官軍聞說定廬州破虜功成一滴油

自注一滴油弩名

智勇功名

付元凱王三錫命到康侯

自注此詩為合肥作金人以重兵三十萬圍城者四十餘日制帥杜公于援兵未至前不動聲

色而破之父子俱奏雋功受上賞

城中守將方投死陣面將軍已賣降版築紛紛成底事那

知靠後是長江

自注此詩為滁州作金人圍滁城凡兩月守臣陳廣竭力挫之已有退志會援師築城于江甯未進廣以中傷死有內變金人

遂入而城亡矣

薄晚官軍得勝歸家家戶戶挂旌旗陣前紀律明于日師

入城來半不知

自注為往來過軍作

三五同寮出幕遲公餘終日意遲遲歸來又被梅花惱撥

冗銅彝插數枝

以上學詩初集

陳允平

允平字衡仲一字君衡四明人號西麓有西麓詩
稟

香奩體

小院薰風滿閑庭白晝長蜻蜓楊柳岸鷓鴣菱荷塘雲合
朱簷卸山高翠閣涼蔓滋青薜荔芽長紫良薑簾幙深深
地闌干曲曲廊淡烟瑤草細流水碧桃香幃影重門靜苔
痕小篆荒螭盤丹鼎雪龍吸露臺漿琴古翻新調笙沈艷
舊簧兩聲犀角枕月色象牙牀掌上雙鸚鵡屏開兩鳳皇
石函藏寶劔金鑰啟瑤箱扇雉團清影匿鴛試曉妝霞綃
衣窄索雲錦佩玳瑤鬢攏金蟬蟲釵橫玉燕翔袂飄天水

碧翬濺鬱金黃太液簫初遠蓬壺漏未央流星飛碧落零
雨下銀潢去去人千里迢迢天一方斷腸春洛浦殘夢夜
瀟湘

題胡月山吟屋

蘇公隄上路日日課新吟流水行花影斜陽臥柳陰斷橋
春聽樂矮屋夜鳴琴皎皎山門月如君一片心

吳江道上

夜半扁舟出洞庭客帆初挂早潮平社風纔過海鷹至嵐
霧未收江鷓鳴吳岫亂雲擎古塔楚臯寒葉擁荒城垂虹
橋外連天水無限別離生杜蘅

后土廟

塵擁妝臺翡翠翹
瓊花開盡玉魂銷
崑崙山上天風落
二十四橋吹洞簫

江南謠

柳絮飛時話別離
梅花開後待郎歸
梅花開後無消息
更待明年柳絮飛

秋夜遊東墅

雲壓高空雁陣低
江城歷歷草離離
樓臺秋淡玉簫遠
簾幙夜寒銅漏遲
明月鷺鷥菱葉浦
西風蟋蟀豆花籬
一尊酒盡銀河落
猶有殘鐘出古祠

閨情

閑拈花片貼紗窗
繡幙斜飛燕子雙
細數歸期相次近
倚

樓日日望春江

吳山雪霽

九天宮闕春風滿
陸地樓臺夜月寒
鐵笛一聲吹雁落
片雲不到玉闌干

馬塍道上

閑拖瘦竹筇
獨步馬塍東
鳥影青山外
春愁碧樹中
麥潮風化蝶
櫻熟雨生蟲
莫過溪頭去
溪頭多落紅

小樓

寒空漠漠起愁雲
玉笛吹殘正斷魂
寂寞小樓簾半卷
雁烟菴雨又黃昏

登西樓懷湯損之

楊柳飄飄春思長
綠楊流水遶宮牆
碧雲望斷空回首
半闌干無夕陽

以上西麓詩藁

句

石屋雨來春樹暗
海門潮起暮雲高

方虛谷桐江集云子淳祐中偶至靈隱冷泉時京尹盡去楹閒詩板僅存者二其一云云此四明陳允平詩蓋許渾體也

鄭霖

霖字景說天台人淳祐中知平江府

淳祐已酉月正人日春雨堂宴三學同舍卽事

十年隨牒訪三高
不覺星星上鬢毛
尚憶齋鹽形夜夢
聊因椒柏薦春醪
文明再會知何日
臭味相投屬我曹
總是虞庠舊培植
致君當不媿夔臯

吳郡志附

王學可

學可字亞夫襄陽人參知政事之望孫淳祐閒臨

安府倅

洞霄宮

天柱峯高萬壑分
故畱九鎖限塵氛
泉飛窗牖長爲雨
日上岡巒半是雲
洞摩陰崖通遠岫
石生暗暈作奇紋
聖朝每爲民祈福
絕笑求仙漢代君

洞霄詩集

石橋

天巧何年路千峯
亂入雲瀑飛雙澗
合崖斷一橋分樹色
春猶凍後聲夜或聞
靈蹤如可見煮茗共
爐熏

天台山志

題蘇端明書乳泉賦後

蘇公早聞道文章乃其戲乳泉出重海作賦聊記異玉池
燕中夜挈瓶非小智氣者水之生此語可深味

式古堂書考

李彭老

彭老字商隱號箕房淳祐中沿江制置司屬官

元夕

斜陽盡處蕩輕烟輦路東風入管弦五夜好春隨步暖一
年明月打頭圓香塵掠粉翻羅帶蜜炬籠綃鬪玉鈿人影
漸稀花露冷踏歌聲徹曉雲邊

武林舊事

弔賈秋壑故居

瑤房錦樹曲相通能幾番春事已空惆悵舊時吹笛處隔
窗風雨剝青紅

齊東野語景定三年正月詔以魏國公賈似道有再造功名有司建第宅
家廟賈固辭遂以集芳園及緡錢百萬賜之園故思陵舊物古木壽藤多
南渡以前所植者積翠四抱仰不見日架廊疊磴幽渺逶迤極其營度之
巧猶以為未也則隧地通道抗以石梁傍透湖濱架百餘楹飛樓層臺涼
堂燠館華麗精妙前揖孤山後據葛嶺兩山映帶一水橫陳各隨地勢以
構架焉堂榭之有各口蟠翠古松雪香古梅翠巖奇石倚繡雜花挹露海
棠玉蕊瓊花茶蘼清勝假山已上集芳舊物高宗扁西湖一曲奇勛理宗
御書秋壑遂初客堂度宗御書初陽精舍山之助曰無邊風月見天地心
水之濱曰琳瑯步歸舟早船通名之曰後樂園又以爲未足則于第之左
數百步瞰湖作別墅曰光滌閣春雨觀養樂堂嘉生堂千頭木奴生意蕭
然生物之府通名之曰養樂園又于西陵之外樹竹千挺架樓臨之曰秋
水觀第一春梅塢剡船亭則通謂之水竹院落焉近世以詩弔之者甚衆
李彭老一絕云云

程洙

洙秘族弟淳祐十年進士景定初爲上元簿德祐
乙亥建康守將以城降元洙不屈死有南窗橐

秋晚懷友

長亭一樽酒猶記別時斟碧草思前夢黃花見此心關河
秋北望天地日西沈遙想山中桂何人月下吟

新安文獻志

曾淵子

淵子字廣微南豐人宰六世孫鈺之子淳祐十年
進士累官右正言監察御史權戶部尚書浙西制
置使拜同知樞密院事罷知雷州端宗在礪州自
雷來覲拜參知政事廣西宣諭使元兵至走安南
卒

九日登翰苑臺

在筠州新昌縣

翰苑臺邊拂舊題歲華荏苒壯心違看萸喜得親猶健對
菊猶慚令未歸秋水一江鷗共瘦雲山千里雁初飛宦情

有暇無風雨把酒相酬此會稀

瑞州府志

客安南見進奉使回口占

安南莫道是天涯歲歲人從薊北回江北江南親故滿三
年不寄一書來

四朝詩

陳必復

必復字无咎閩人淳祐十年進士有山居存橐

山居

接砌斜通徑緣籬矮結牆地卑蝸篆屋山暖蜜分房過雨
林亭靜落花春晝長幽居差省事猶有課詩忙

客枕

客枕偏饒睡春歸尚擁綿屋深燈易暈漏短夢難圓棲鳥

警涼夜鬧蛙喧雨天一聲柔櫓過何處上溪船

贈張馴自號牧隱

乍見語相合苦吟心更親老于琴得趣隱與牧爲鄰一夜
巖花雨十年江樹春所交半湖海恨晚識斯人

宿龍山精舍

偶貪禪宇靜襪被到深林夜榻僧同話寒簷客自吟窗明
疑積雪樹黑怪常陰猶恨恩恩出丁寧約重尋

舟中效東坡用韻

底事京塵踏輭紅又隨征棹過吳淞人家半在桑柘住春
水忽迷蘆葦叢赤鱗白魚今稍稍紅櫻紫筍已恩恩船窗
盡日看山色多少好山供眼中以上山居存藁

蕭立之

立之字斯立寧都人淳祐庚戌進士知南城縣歷
南昌推官辰州判遭世亂歸隱蕭田有集仲子士
贊爲李白詩分類補注行于世

桃源

桃源花發幾番春聞說漁郎此問津秦帝漫勞方士遣神
仙已是避秦人全芳備祖

杜鵑

思歸言語苦悲辛啼老江南綠樹春莫倚巴西君故土巴
西風景近愁人

秋日

野店聊爲一枕謀五更歸夢入鄉愁溪流清淺春鉏曉籬
落荒涼絡緯秋

以上梅礪詩話

落梅

玉龍戰退鹿胎乾好在晴沙野水看舞翠夢回仙袂遠射
鷗人去露崖寒連環骨冷香猶暖如意痕輕補未完誰在
高樓吹笛處輕衫當戶獨凭闌

小窗清紀

陳杰

杰字壽夫分寧人淳祐十年進士制置司屬官有

自堂存藁

題梅壇毛慶甫雲悅樓

白衣蒼狗無猜物翻手悲歡變古今輸與道人長快活看

渠起滅不關心

梅仙事實

王時彥

時彥蜀人

題梅壇毛慶甫雲悅樓

一生活計一身閑日與白雲相往還五百年閒知此味華

山去後到梅山

梅仙事實

朱渙

渙字行父號約山大理寺丞守衡州

題梅壇毛慶甫雲悅樓

和衣高臥白雲堆門倩雲封不妄開畱向山中自娛悅莫
教一片出山來

梅仙事實

姚勉

勉字述之高安人寶祐癸丑廷對第一除校書郎
兼太子舍人有雪坡集

余評事惠龍團獸炭香瓔鳧實且許以百丈山楮衾
而未至

青禽銜雲落蓬壺風簷快讀光眉鬚百朋珍貺羅庭隅一
一皆可當清娛建溪龍焙香雲腴香瓔巧製來東吳鬚髻
獸炭奇形模辟斜天祿獅熊羆王家烏種君家鳧晴沙暖
抱明月珠雅意下照仙人癯矮窗醉兀詩情孤蒲團松拂
燒紅爐蝸廬積凍春潛驅侍兒金珞香玉膚月鐫煮雪煎
春酥窗前笑玩嬌黃雛能言直可貢上都其波及晉皆君
餘獨欠一幅橫雲鋪王孫醉擁紅攏楸生長揖非吾徒
藤牀紙帳恰此須能供梅花清夢無

新晴曉步

晴曉芳蹊潤幽情得自怡霧黏行草蝶風舞罨花絲竹靜
聞鄰話林虛度客棊意行無伴侶池上只鶯知

放生池納涼晚歸

湖面輕煙起前山漸不分鐘聲連寺荅人語隔船聞吟客
衣生月歸僧笠帶雲及城門未掩燈火已紛紛

題西湖竹閣寺二首

入門纔見萬琅玕便覺玲瓏日影寒峯勢近環簷外立湖
光更好竹中看煙霞古淡僧容瘦風露清高鶴夢殘已占

雨亭涼坐足再須登閣倚闌干

千古清風白樂天昔時曾此飽談禪自從西閣無吟迹唯
有東坡嗣舊傳來往祇應湖上寺聽聞誤說海中仙我來
來再拜祠堂下笑摘巖花薦井泉

以上雪坡集

時少章

少章字天彝金華人寶祐癸丑進士官史館檢閱

冬狩行

北庭十月百獸肥夜植虎落朝打圍倒榛伏棘一千里疊
鼓欲渡繩林西西風吹塵黯如霧賀蘭花驄踏風去老鷹
鉞交作兒啼橫飛一矢貫兩麋將軍十指撮矢笑四合周
法皆絕叫牛酒過山醮爾曹今年拔城如拔毛

金華詩粹

孫炳炎

炳炎字起晦餘姚人寶祐癸丑進士權吏部郎出
知饒州除軍器監

題元實弟姚山別業

別業倚嶙峋幽居寓目新閑花繁覆砌靜燕語通人野翠
生窗晚林香入戶春願因張老祝持以奉芳辰

四明山志

林泳

泳字太淵號弓寮希逸長子寶祐元年進士出宰
安溪有集

岳武穆王墓

天意只如此將軍足可傷忠無身報主冤有骨封王苔雨

樓牆暗花風廟路香沈思百年事揮淚灑斜陽
武林舊事

郭燠

燠東陽人

挽內子

山嵬嵬今日西望吾侶今不歸惆悵兮階前物換兮人非
春去兮花殘春歸兮芳菲老不可以再壯君胡為而先馳
石洞遺芳集



章雪崖

雪崖本江人問道于朱子

偶作

掩關作夏計長日獨清坐戎葵競自花安榴粲成朶時芳

詎容歇幽賞無不可微風忽吹來諒亦深知我
車若水脚氣集



宋詩紀事卷之六

Blank page with vertical lines for text.

Handwritten mark or characters on the left page.

